

محمد الفلكى

صمت المشاعر

محمد عبد السلام محمد عطية

أشعار

الطبعة الأولى ٢٠١٧

بطاقة الكتاب

عنوان المؤلف : صمت المشاعر
المؤلف : محمد عبد السلام محمد عطية (محمد الفلكي)
التصنيف : أشعار بالعامية المصرية
رقم الإيداع : 23001 - 2017
عدد الصفحات : 100 صفحة
رقم الإصدار الداخلى : 45
تاريخ الإصدار الداخلى : 11 / 2017 طبعة أولى
تصميم الغلاف والتنسيق : دار النيل والفرات للنشر والتوزيع

جميع حقوق الطبع والنشر محفوظة للشاعر، ولا يحق لأى دار نشر
طبع ونشر وتوزيع الكتاب الا بموافقة كتابية وموثقة من الشاعر

دار النيل والفرات للنشر والتوزيع

ثورة مصرية تشرق إبداعا على الوطن العربي

رئيس مجلس الإدارة

ناجى عبد المنعم



اسمها الشاعر ناجى عبد المنعم
عام 2018

رخصة مزاولة مهنة: 58365 - سجل تجاري: - 2017 / 13242 - بطاقة ضريبية: 35-01-572
عضو عامل باتحاد الناشرين المصريين رقم 941 لسنة 2018
هاتف: 01011256943 - 01116202218 - 01202541192 تليفاكس: 020554372901
alnilwaalfourat@gmail.com alnilwaalfourat
المقر الرئيسي: ج.م.ع. محافظة الشرقية - العاشر من رمضان - مجاورة 13 - امام سنترال 13 - قمار 304

الإهداء

إلى أصدقائي وأحبابي شعراء وأدباء وكتاب

قصر ثقافة الزقازيق

جنة خضراء أحيا برحيقها دائما

الشاعر

محمد الفلكي

صمت المشاعر

من جوه صمت المشاعر

وأنين بينزف أهات

وقلب بيعافر يكابر

وعمر عدي وفات

لكنه تملي صابر

على وجع الزكريات

أنسان اسمه عايش

رغم انه زمان مات

إديتك ألف فرصه

اديتك الف فرصه

عشان يمكن تتبدل

لكن انت كل مره

ترجع اكر م الاول

.....

بدور على مصلحتك

ومش عايز الا نفسك

وانا ياما كتير نصحتك

لكن معاك مش فارقه

عشان قلبي ببسامحك

وينسي قوام غدرك

ويحن تاني ليك

ومبتهونش عليه

ويمدلك أديه

ومبيتعلمش منك

.....

سهل عندك تنساه

وتبيع اللي شاريك

وع طول بتقسي

ما هو اصل وطبع فيك

لما تحس الوجع



بترجع قوم تتعل

بتعمل كل البدع

وتتحايل وبتمثل

أصل وصوره

أصل وصوره

جوه الدينا

ناس براهها

وناس بتعشها

عارضين للبيع

والدفع كاش

وضيع ما ضيع

ميهمش ببلاش

مين الأصل ومين الصورة

في ملامح باهته ومكسوره

ذي البراويز

بقزاز ع الحيط

م الصبر موال
والمر كثير
وضيق الحال
ومفیش تغيير
وامل كداب ووهم كبير
احساس بالقهر
ويوم ورا يوم
مرار ومر
وغلب وظلم
ديما شاربين
وتعاتب مين
وعلى مين هتلموم
ومحدث فاهم
وفين السامعين

قلوب من حجر
وودان من طين

فاض بالخلق

والكل طق

قامو الاحرار

نادو الثوار

سلميه سلميه

عيش حريه

كرامه انسانيه

عداله اجتماعيه

وفي شهر سته يوم ثلاثين

في مكان

نزلو الميدان

قالوا الشجعان

بلدنا لنا
متهنش علينا
نسبها لعبه
في أيد الشياطين
نموت عشنا
ونحررها
أمنا الغاليه
نفديها بروحنا
لآخر ما فينا
وان راح ملايين
بالله حالفين
يعود الحق للمصريين

الخلو يأمر

ع مهلك اتقل يا واد
خفيف دمه كالمعتاد
انا فاهمك انا عارفك
عنيك باصه هنا وهناك

.....

البت حلوه دي وشغلاك
وانت لا حوله ولا قوه
والقلب ياما احتار وياك
والنار قايدة كمان جوه

.....

ومن تحت لتحت بيتطلع
والتقل طبعه واكيد صنعه

والحلو كما عاته بيتمنع
سابق فيها ولا هامه

.....

مادام عارف قيمة نفسه
بيعمل كل ما بداله
والحلو يأمر ومن حقه
والكل سمعا له وطاعه

السويس حكاية ومعني

السويس حكاية ومعني

للمقاومه والبساله

السويس أحلي ضحكه

فوق جببين الشغاله

.....

السويس السمسيميه

والغناوي ع السقاله

هما ليهم طعم خاص

في البطوله والشهامه

والكل عارف

في المواقف

اجدع رجاله
مضروب بيهم المثل
في التحدي والإرادة
عزه النفس فيهم
وتلاقيهم
بالموده والمحبه
يستقبلوك
اهل ليك
ويشلوك
في اعلي مكانه
مصريين
معروفين
السوايسه
رمز وعلامه

العب بالمشاعر

العب بالمشاعر

والضحك ع القلوب

ذا جريح تصعيب وواعر

ولا قادرين عنه نتوب

وان كنت يوم قادر

تظلم وتتجبر

خليك بس فاكر

رب العباد اكبر

وداين تدان

وكله شي محسوب

والعدل في الميزان

يوم الحساب منصوب

المصريين رجاله

المصريين رجاله

في كل مكان تلاقيهم

عماله وكماله علامه

والكرم طبع فيهم

.....

ديما ثابتين وجودهم

بكفاحهم وعرق جبينهم

سدادين في كل المواقف

معروفين بشاهمة أصولهم

.....

والمصري ابن النيل
وارث جيان جدوده
ع الحق لا يميل
حامي ديما حدوده
وقالو عنه كثير دا مين
وأحتارو في وصفه
حضارة عراقه سنين
ويكفي عنوانه اسمه

انا العاشق

انا العاشق

انا المفتون

انا العاقل

انا المجنون

انا الفارس

انا الحارس

انا السجنان

انا المسجون

.....

انا منك وأفديكي

بروحي ودمي

مهما يكون

واموت عشانك

ونهايتي وصيتي

يا أمي

يكفوني اخواتي

ويدفوني في أرضك

أنا اللي ماسك القلم

انا اللي ماسك القلم
بخط فوق الورق
جوايا حزن وألم
الحبر منة رق

.....

قالي القلم بكفاية
احساسى مات جوايا
العدل مغصوب عليه
والظلم طريقة شق

بشحت منه الكلام

والنظره والسلام

والله ياناس حرام

يعمل فيه كدا

.....

سهره الليل ما نام

م الشوق والغرام

لاعتاب ولا حتي ملام

شمت فيه العدا

معقوله كدا معقوله

ينسي كل الحنان

واهون عليه بسهوله

والحب كأنه ما كان

تستاهل أكثر من كدا

تستاهل اكثر من كدا

تستاهل اكثر

انت الل عملت كل دا

ودلوقتي تخسر

.....

بعند قلبك

ضيعت حبك

متلومش غير

بس نفسك

كنت مفكر

انك هتقدر

تقسي وتنسي

وتعيش لوحدك

جرب الغياب

وعيش العذاب

معدش حد جمبك

مفيش احباب

يدقو الباب

مفيش الا دمعاك

.....

تستاهل اللي جراك

انت اللي اخترت

يكون دا قرارك

ليه دلوقتي ندمت

حبك خذ وقته وفات

حبك خذ وقته وفات

قلبك بالنسبالي مات

كل اللي بنا

خلاص انتهى

ماضي وعدي

والنهارده بقي زكريات

مش هقدر انسي

وارجع تاني

لمرار وقسوه

ووحدي اعاني

ومعاك مش فارقة

نبعد من سكات

وتغيب وترجع

واستناك

قلبي ودع

خلاص هواك

ابعد عني

سبني في حالي

عمري ضاع

ومش كفاك

روح أكتوبر

الساعة اتنين وخمسه

كانت الضربة الجويه

ودا سر المفاجئه

م العقليه المصريه

.....

وعبرنا القنال

ورفعنا العلم

وهزمننا المحال

والعالم اتصدم

مفتاح النصر

الله اكبر

قالها الجنود

كسرو القيود

عبرو الحدود

حطمو الوهم

وعدت سنين

ومكملين

روح اكتوبر

مستلهمين

هنبني بلدنا

بأدين ولا دنا



دا احنا المصريين

هنزرع ونعمر

ونصنع ونصدر

بعرق الجبين

سرقتي من نفسي الأيام

سرقتي من نفسي الأيام

وكنت فآكرها هدوم

أتاريها طلعت أوهام

فقت منها أنا مصدوم

.....

معملتش حساب لبكرا

وعشتها بالطول والعرض

ومهما اعمل برضو ناكره

ومبستغناش عن بعض

.....

ضاعت سنين العمر

ومرت كما اللحظات

يوم حلو ويوم مر

وهي كلها اوقات

.....

صحيت لقيت نفسي

كأني في حلم

دلوقتي انا لوحدي

في دنيا لم تهتم

سليط اللسان

سليط اللسان أتجرو
يسب مصونة العفاف
تصدق كمان بيت برئ
الجبان وما خاف

.....

عايش مع أسياده
للقمه أصيل خدام
وللمال من عباده
يضرب تعظيم سلام

.....

على إلف وش وش
ديما بيتحول

يكذب
يزيف
يغش
مأجور بيتمول
بيخطط وبينفذ
فكر الشياطين
مأمور بيدمر
أمن الامنين
وأفعاله بيبرر
كمفسر لأيات الدين

عاشق جمال الروح

عاشق جمال الروح

جوه القلوب الصافية

منها العبير يفوح

وجميله في ملامحها

تشوفها تصدقها

من أول متقبلها

على طول ترتحل

تحس انك بتعرفها

.....

أصل الحكاية ضمير

مهيهاش عافيه

اخلص كمان وياها

توصل لإسررها

هتكونلها العاشق

هتكونك الحافظه

بالخير مليانه

توهب كما الساقيه

.....

يا أرض وطرحت نبتتك

ما الزارع أنت والحاصد

وعملك أساسه نيتك

ورب العباد شاهد
محسوبة عليك خطوتك
عاصي أو عابد
اعمل حساب آخرتك
منتش فيها خالد

عراق

عراق يابلد العروبة
بغداد يا ارض الخلافة
اهل الكرم والطيبه
انت رمز للحضاره

.....

كم يهفوا الشوق اليكي
وكم نسموا بزكرك
ننتظر النداء لبيكي
محفور بالقلب اسمك

.....

ندعو المولي تعودي

نحتضر ورغم عنا
عزة العرب انتي
نحن منك وانت منا

عيد الشرقية

يوم عيد الشرقية

يوم وقفة عرابي

بتحدي وإرادته قويه

بيطالب وبينادي

مصر للمصريين

ولا استعمار ثاني

.....

كلنا جنود صامدين

وترابها علينا غالي

وتعيشي ليوم الدين

مرفوعه راية بلادي

واحنا الشرقاويه

اهل الكرم والجود

والخيول العربيه

من جدود لجدود

.....

وفي كل المجالات تلاقي

فنانين ومطربين

وكتاب وأغاني

وكمان اقتصادي

طلعت حرب

عبدالوهاب وحليم

ونجم وجلال وعزيز

وأدهم الشرقاوي

.....

وانا نبتها ابنها

متربي على ارضها

وتلمي بقولها

عهد بيني وبينك

بحلم اكون عشانك

ياأمي كتر خيرك

في ساعة رضا

في ساعة رضا

ربك هيرضيك

بكل الهنا

داللي خلقك

مش ناسيك

أرضي وسلم

بقدرك ونصيبك

واحمد ربك

ع اللي في ايدك

.....

دي السعاده

مش كتر مال

ولا سلطان
ولا حتي جاه
السعاده راحة البال
والصحه في الحياه

.....

ياما ناس معاها فلوس
ومش لاقيه الدوا
وناس ع الأيد تبوس
ونفسها في حته ضنا

أطفال بلا مأوى

أحنا أهل وأسره

وديما أيد واحده

مفيش فرق بنا

متقولش بلا مؤي

.....

كلنا مع بعض أحنا

هنعدي اي محنه

والنيه لله صافيه

مع بعضنا هنقوى

.....

ونغير ظلام الكون

بالاراده

والتحدي

والعمل

واكيد في يوم هنكون

حققنا بادينا الأمل

تاهت منا الخطاوي

تاهت منا الخطاوي

في دنيا المجروحين

لا طبيب قادر يداوي

ويصبر قلب حزين

.....

والفكر رايح وحي

ودمعه ورا دمعه

والجرح ينزف حي

عايش ع ماضي وزكري

.....

ولا حد يصبر عليل

احتاروا فيه الاطبه

الحمل ذاد بيميل

من هجر الاحبه

.....

رغم الفراق واللهفه

والفرح اللي ضايح

لا زكري عادت شافعه

من كتر المواجه

.....

ومها قولت الآه

ومل مني وجعي

وضاقت عليه الحياه

هسلم لله امري

طواف في بلاد الله

طواف في بلاد الله

بدور ع الانسان

حد ياناس التقاه

فين وفي اي مكان

تعبت من قولت لا

وكله بيقول زمان

كان في موده

وكان في حنان

يرحم ايام جدودنا

والعشره والخلان

ع المصطبه اللي بره
قاعدين صحاب وجيران
ودا كلمه ودا كلمه
وهما اهل وعشره
والضحكه طالعه صافيه
مليانه بالإيمان
متجمعين لمة
حوالين لقمه حلوه
والقعدة بينهم شامله
صغار وكبار كمان
بينهم موده ورحمه

وكأنهم اسره
كلهم ايد واحدة
لو اشتكي عيان
فين كل دا النهارده
العطف والمحبه
راح فين الامان
الناس بقت جاحده
علي بعضها بتستقوي
وتزيد كمان وكمان
البقاء لله وحده
والكل عليها فان

ليه بتحاولي

ليه بتحاولي

تبعدي وبتعندي

مش بالخصام هتقدري

قلبي اللي حبك صدقي

هو اللي ليكي قدري

مهما تروحي هترجعي

تاني لحضن و هتحلفي

ان الفراق

صعب عليكي

وفيه موتك وموتي

.....

بنا غرام مش بالكلام

ممکن نقدر نوصفه

من صغرنا وأنت وانا

جوانا الحب من اوله

ومن غير علام

كان الوئام

جوه القلوب

عارف طريقه وسكته

.....

ومن غير عتاب

ولا حتي ملام
اياكي يوم تهددي
انك خلاص هترحلي
اهون عليه
الموت بدونك
وبكرا الايام هتعرفك
مين اللي حبك
وصان عهدك
وانتي بعده هتخسري

والإسم عايش

عايز ايه من قلب مات

كان بيدور علي الامان

فاضله ايه غير زكريات

من عمر عدي وماضي فات

مش باقي غير شوية صور

وحبة حاجات بقايا انسان

كان تملي عاش لغيره

حب بقلبه وصافي ضميره

ولا عمره يوم شال من حد

واديه بالخير ديما تتمد

بيحب الناس بكل إخلاص

وادي آخرتها ودا مصيره

انه خلاص بيكمل لوحده

بعد ما راح كل ما عنده

انتهت حياته

و ضاع امله

دلوقتي ميت

والاسم عايش

ولا فارقه خلاص

معدش احساس

عائده زمانه

وانتهي وقته

وبقينا اتنين

وبقينا اتنين ومتقسمين!؟

رغم اننا كنا زمان واحد

مات الحنين و الحب فين

وليه بنتحدي بعضنا ونعاند

هان علينا وضاع بأيدينا

عمرنا وعشرة سنين

ايه جري لنا غير حالنا

واتبدل العشق ل أنين

ملومش حد غيرنا

ونقول غصب عنا

احنا الاتنين اختارنا

نمشي في طريقين

احزان ودموع

ودي النهايه

في ألم وسكوت

لامعائك ولا معايه

انا وانت بنموت

بدون رجوع

كنت ملاك

عشت معاك

عمر اهواك

كنت اسرنى

كنت ملكنى

كنت حببى

كنت ملاك

.....

فجأة لقتنى

فى الدنيا لوحدى

لية تهجرنى

تتخلى عنى

لية تسبنى

فى عذاب وهلاك

.....

محتاج لوجودك

مش قادر اتحمل

قتنى غيابك

وزاي هكمل

.....

بعادك صعب

ولا بيّفوت

تعب القلب

مل السكوت

والانتظار

ليل نهار

لا هوه عايش

ولا بيموت

لو جيت في يوم

لو جيت في يوم وملقتنيش

راح تعمل ايه من بعدي

حاول لوحدك تعيش

وجرب تشوف بعدي

.....

هتقدر عليه وتتحمل

هتصبر من غير ما تتمل

ولو فكرت تتعل

لمين هتشكي

الدمع في عنيك هيذيد

والنار في قلبك هتقيد

والفكر سارح شريد

وهتصرخ وتنداهلي

ما وحشتكش؟!!

ما وحشتكش
تيجي تشوفني
تسأل عني
ياللي نستني ومنستكش

.....

ياللي بيعني
ياللي هجرني
خدعتني وظلمتني
كرهتني ومكرهتكش

.....

هنت عليك

وكان بأديك
غدرت بقلبي
جرحتني ومجرحتكش

مش مسموح

آخر كلام قولتلي
ابعد عني وروح
دلوقتي راجع بتحلي
ندمان حزين مجروح

.....

عايزني انسي
عذابي وكسرتي
منك وارجعك
دلوقتي مش مسموح

.....

بُعدك علمني اعيش

اواجه ميهمنيش
هيجري ايه تاني
لطير مات مدبوح

.....

انا هقدر اتحمل
وحدى خلاص هكمل
مشوار عمري وطريقي
اخترته يكون بأيدي
مهما تقاسي وتعاني
وبدمعك تترجاني
ابعد خلاص وانساني
مرفوض بكل وضوح

هشيل ع راسي كفنك

هشيل ع راسي كفنك

واحضن البياده

وهردد بلساني اسمك

دا حبيبي ابني وضنايا

وهوصنك لقبرك

لكن هدومك معايا

وتهطر بمسك دمك

وهيجيك يوم حقك

واللي هيصبرني تارك

هيجبوه اخواتك

حالفين بالله ماينامو

حتي ينالو الشهاده

ولما أصعب على نفسي

وفكري طال ملوش اخر
ودمعي في عيني متحجر
لا انا عارف ولا قادر
احوش الحزن وافكر

.....

ويزيد الوجع والأه
جريح ومحتاج لدواه
والفرح بس فين القاه
خد كل الهنا وياه
وسبني وحدي انا اعافر
واديبي بصبر

.....

ولما اصعب على نفسي
وأأمل مرار يآسي
بحضن سنين عمري
واطبب بأيدي ع جرحي
وبعاند وبكابر
شارد و متبعتر

وهتدي

وهتدي

وهكمل عمري انا وحدي

اصل الضربة اللي

مبتموتش بتقوي

.....

وهتدي ومهما يكون

ظلام الكون

همد للأمل ايدي

وهبدأ تاني م الأول

مش هياس ولا تبدل

هتحمل عشان نفسي

.....

مش هسمح لماضي يعود

لكل شي خلاص حدود

هعيش للجاي بأردتي

ولا استسلم ولا أسلم

قلبي لغيري وأتألم

وراح احلم انا حلمي

يا دنيا ليه معاندانا

يا دنيا ليه معاندانا
مش جايا علي هوانا
عايشين عشانك انتي
وانتي اللي مغلبانا

.....

ديما بتيجي علينا
جراحنا ومش بأدينا
بنحاييل فيكي ديما
وعامله قال فكرانا

.....

احتارنا فيكي احنا
نعمل ايه وياكي

بنعدي كل محنه
وبغيرها قوام سبقانا

يا سلام ع الدنيا

يا سلام ع الدنيا

لو عمرك تأمنها

غدراه وفي لحظه

يتبدل قوام حالها

.....

وترجع كما الأول

تتذكر الماضي

وتتمني يتبدل

حالك تكون راضي

.....

مسكين وبتعافر

في الدنيا لوحدك

جريح وبتكابر

بتلمم شتات نفسك

.....

متحسبش او تحسب

اللعبه لعبتها

خساره او مكسب

معروفه نهايتها

يا صاحبي

يا صاحبي سامحني

جرحتك غصب عني

والله مش بأيدي

أياك في يوم تظلمني

يا صاحبي وعشرة سنيني

دا اللي بينك وبينني

اقوي م الكلام

انت عارفني اعزرنني

مانا منك وانت مني

ليه بس الخصام

يامصوراتي

افتح الكادر

في اللقطه

تلاقي الصوره

كدا توضح

اصل الفكره

في المعني

وكل معدن

بجواه ينضح

.....

ركز اكثر كدا وزوم

على ناس من الحياه

تشوف وجوه بتعوم

ملاحها في كل اتجاه

.....

والصوره خير دليل

والجواب في عنوانها

في وشوش كانها تماثيل

قلوبها مليانه

والرق ع التفاصيل

اللي جواها

.....

في صوره تبقي خالده

ديما تكون في الزكري

مهما عدى الزمان

وغيرها تكون عابره

وقتها بس واخده

وكأنها ما كان

.....

وفي وشوش بترتحلها

ووشوش بتندهلها

ووشوش بتعشقاها

ووشوش متعرفهاش

عدت محستهاش

ومعاك ولا فارقه

.....

ويا مصوراتي احكيلنا

بالعدسه والحامل

عن كل لحظه

كانت بتتحايل

وكل كلمه

في الوشوش بتتسائل

انت اللي تجمعا

وانت اللي قايل

يا جرح القلب

يا جرح القلب من جوه

والقلب لا حوله ولا قوه

ليه عليه بتستقوي

وديما ساقيه المره

.....

الناس شيفيني من برا

بيقولوا يا بخته متهني

مش عارفين ان الدمعه

تملي في العين ساكنه

بتتمني الفرح يجلبها يوم

تبات ترتاح م الهموم

بتحلم تتبدل الغيوم

وتتصبر ع الامل فيه

اللي بيبي وبينك

خلي اللي بيبي وبينك

يكون بالهمس

ودا عشاني وعشانك

بنا وبس

بين قلبي وقلبك

الناس مبترحمش

نداري على حبنا

بأدينا انت وانا

نعيش مع بعضنا
وكمان منتعرضش

-----.....-----

لكلام دا ودا
يشمت فينا العدا
خلي عشقنا سرنا
وعشان منتحملش

-----.....-----

نجرّب يوم فراق
بلهفة الاشواق
ياحبيبي منقدرشي
نموت ومنتفرقش

تعيش يا جيش بلادي

تعيش يا جيش بلادي
يا جيش مصر الاصيل
وتعيشي حره يا بلادي
يا ام الهرم والنيل

--.....--

ياحامي السما والارض
وصاين كل عرض
مخلص وعليك دا فرض
بدافع وطني وفدائي

وفي عز البرد
الشديد القارس
واقف ع الحدود
اسد و حارس
يحمي الولد
شرف البلد
أصله راجل
مجدع و فارس

.....

وميهموش مهما يكون
يضحي بدمه
والروح تهون

عاشق تراب بلده
و سلاحه على كتفه
ودیما صاحی

لما يموت الحب فينا

لما يموت الحب فينا
يبقى ايه في الدنيا لينا
غير زكريات من عمر فات
ودموع حزينه مالیه عنينا

تبقى الدموع متحجره
جوه العيون متصبره
لحظة غياب الفرحة ولي

عن قلوب تاه فكرها

.....

شارده تملي ويه ليل

بلانهار سواده طال

داقت مرار عذاب وويل

والصبر مل منها

مش نادم إني حبيتك

مش نادم اني حبيتك
ووهبت عمري ليك
وجوه قلبي خبيتك
وجرحته انت بأديك

.....

كنت عايش بس عشانك
وبشوف الكون بعنيك
وكان عذابي بيحلالك
مطمرشي مره فيك

.....

تحن في يوم عليه
ترحم دموع عنيه
خلاص معدشي فيه
نهيت على حبي ليك

ليالي الغربه

عدت ليالي الغربه

ليالي طويله صعبه

عدت علينا

بكت عنيا

ومش بأدينا

جرحت قلوبنا

.....

ودوبنا يا ما دينا

لكن قدرنا ومكتوبنا

وہنعمل ایہ
نصیبنا وقسمتنا
البعء یفرق بنا
ونفضل نحایل فیہ

الشاعر فى سطور

الاسم / محمد عبدالسلام محمد

(الشهرة : محمد الفلكي)

الزقازيق / شرقيه

شاعر وكاتب ومعلم

1 / أخصائي فنون مسرحيه بالتربيه والتعليم وعضو نقابة المعلمين بالشرقيه

2 / عضو نادي ادب قصر ثقافة الزقازيق .

3 / منسق عام صالون الأدباء العرب

بالشرقيه .

4 / وعضو اتحاد رابطة شعراء العاميه المصريه .

5 / عضو جمعيه عمومية الهلال الاحمر المصري بالشرقيه

6 / تمهيدي ماجستير فنون المسرح .

حاصل ع شهادات تكريم من

مكتبة الإسكندرية 2014

- وشهادة تكريم من ملتقى ام كلثوم الثقافي بالسنبلاوين تحت
رعاية وزارة الثقافه 2014 .

- حاصل علي شهادة تكريم من دار الأوبرا المصريه في زكري
انتصارات اكتوبر 2015 .

وشهادة تكريم من صالون ابن القناه وسيناء بالنادي الاجتماعي
بالاسماعيليه

2015

- شهادة تكريم من مهرجان سقراط للنقد والابداع بالمنصوره
2016 .

وشهادة تكريم من نادي ادب الاربعين بالسويس 2016

- شهادة تكريم من دار نشر النيل والفرات 2017

- والعديد من الجوائز والتكريم من ملتقيات وصالونان ومهرجانات
للشعر والاداب والفنون .

- ونشر قصائدي في : جريدة الوطن والجمهورية اليوم/ اخبار
الوادي / جريدة الرأي المصريه الدوليه

صدر له

أكبر وهم (أشعار) عن دار النيل والفرات للنشر والتوزيع 2017

صمت المشاعر (أشعار) عن دار النيل والفرات للنشر والتوزيع
2017

محتوى الكتاب

صفحة	المحتوى	م
2	بطاقة الكتاب	1
3	الإهداء	2
4	صمت المشاعر	3
5	إديتك ألف فرصة	4
8	أصل وصورة	5
12	الخلو يأمر	6
14	السويس حكاية ومعنى	7
16	اللعب بالمشاعر	8
17	المصريين رجاله	9
19	أنا العاشق	10
21	أنا اللي ماسك القلم	11
22	بشحت منه الكلام	12

23	تستاهل أكثر من كده	13
25	حبك خد وقته وفات	14
27	روح أكتوبر	15
30	سرقنتى من نفسى الأيام	16
32	سليط اللسان	17
34	عاشق جمال الروح	18
37	عراق	19
39	عيد الشرقية	20
42	فى ساعة رضا	21
44	أطفال بلا مأوى	22
46	تاھت منا الخطاوى	23
49	طواف فى بلاد الله	24
52	ليه بتحاولى	25
55	والإسم عايش	26

57	وبقينا اتنين	27
59	كنت ملاك	28
62	لو جيت فى يوم	29
64	ماوحتكش	30
66	مش مسموح	31
68	هشيل ع راسى كفنك	32
69	ولما أصعب على نفسى	33
71	وهتعدى	34
73	يا دنيا ليه معاندانا	35
75	ياسلام ع الدنيا	36
77	ياصاحبى	37
78	يا مصوراتى	38
82	يا جارج القلب	39
84	اللى بينى وبينك	40

86	تعيش يا جيش بلادى	41
89	لما يموت الحب بيننا	42
91	مش نادم انى حبيتك	43
93	ليالى الغربية	44
95	الشاعر فى سطور	45
97	محتوى الكتاب	46